



Broj: 04 – 2301 -2/25

Datum: 12.12.2025. godine

Na osnovu člana 17. tačka c. Zakona o zapošljavanju i pravima za vrijeme nezaposlenosti Brčko distrikta BiH ("Službeni glasnik Brčko distrikta BiH" broj 1/23, 19/23 i 31/24), člana 17. tačka g) Statuta Zavoda za zapošljavanje Brčko distrikta BiH (br.04-230/25), i člana 13. stav (2) Pravilnika o mjerama za podsticaj zapošljavanja (br. 04-1918/25), (u daljem tekstu: Pravilnik), a u skladu sa Odlukom Vlade Brčko distrikta BiH o odobravanju tekućeg transfera i usvajanja Programa utroška sredstava (broj: 13-002599/25, broj akta: 01.11-1186NK-010/25 od 10.11.2025. godine) u korist Zavoda za zapošljavanje Brčko distrikta BiH (u daljem tekstu: Zavod), na svojoj 37. redovnoj sjednici održanoj dana 11.12.2025. Upravni odbor Zavoda za zapošljavanje Brčko distrikta BiH, donosi Odluku (br.04-2301/25 od 12.12.2025. godine), da se objavi

JAVNI POZIV

za prijavu po Programu subvencija privrednicima koji su u prethodnim godinama podržani Programima samozapošljavanja u privredi na području Brčko distrikta BiH

1. SVRHA PROGRAMA

Svrha Programa je pružanje dodatne podrške privrednicima koji su prethodnih godina koristili Programe samozapošljavanja na području Brčko distrikta BiH, radi jačanja održivosti njihovog poslovanja, povećanja konkurentnosti i kreiranja novih radnih mjesta.

2. OPŠTI KRITERIJUMI ZA KRAJNJE KORISNIKE

Opšti kriterijumi za krajnje korisnike Programa su:

- a) da je pravno lice ili preduzetnik upisano u sudski registar;
- b) da je pravno lice ili preduzetnik u ranijim godinama bilo korisnik programa samozapošljavanja na području Brčko distrikta BiH te da mu je istekla ugovorna obaveza od 24 mjeseca po programu samozapošljavanja u privredi na području Brčko distrikta BiH;
- c) da pravno lice i preduzetnik ima dokaz da su izmireni direktni i indirektni porezi, ne stariji od tri mjeseca od dana objavljivanja javnog poziva;
- d) da pravno lice i preduzetnik ima dokaz da nema dospjelih, a neizmirenih obaveza za doprinose za zdravstveno i penzijsko osiguranje zaposlenih te doprinosa za nezaposlene, ne stariji od tri mjeseca od dana objavljivanja poziva.

3. POSEBNI KRITERIJUMI

Posebni kriterijumi na osnovu kojih će komisija izvršiti rangiranje krajnjih korisnika programa u rasponu od 1 do 10 bodova po svakom pojedinačnom kriterijumu su:

- a) vrsta djelatnosti - (proizvodnja 10 bodova, usluge 7 bodova);
- b) broj zaposlenih – (za svakog novozaposlenog radnika 1 bod);
- c) dužina registracije pravnog lica do momenta raspisivanja javnog poziva - (registrovana djelatnost od 24 do 36 mjeseci – 1 bod, od 37 do 48 mjeseci – 2 boda, od 49 do 60 mjeseci - 3 boda, od 61 do 72 mjeseca – 4 boda, od 73 do 84 mjeseca – 5 bodova, od 85 do 96 mjeseci – 6 bodova, od 97 do 108 mjeseci – 7 bodova, od 108 do 120 mjeseci – 8 bodova).

Na osnovu navedenih kriterijuma Komisija je dužna kreirati obrazac za vrednovanje pristiglih prijava.



4. NAMJENA SREDSTAVA

1. Sredstva koja se raspoređuju ovim programom utroška sredstava odnose se na subvencije za pravna lica i preduzetnike koji su podržani Programom samozapošljavanja u privredi na području Brčko distrikta BiH u proteklim godinama, a koja još uvijek imaju registrovanu djelatnosti.
2. Sredstva po ovom programu krajnjim korisnicima mogu biti odobrena za obavljanje njihove pretežne djelatnosti i to za:
 - a) nabavku opreme,
 - b) nabavku repromaterijala.
3. Sredstva iz stava (1) ovog člana se dodjeljuju u skladu sa pravilima za dodjelu državne pomoći male vrijednosti (*de minimis pomoć*) na osnovu člana 6a. Zakona o sistemu državne pomoći u Bosni i Hercegovini („Službeni glasnik BiH”, brojevi: 10/12 i 39/20).

5. IZVOR I VISINA SREDSTAVA

Sredstva za finansiranje ovog programa su obezbijedena Budžetom Brčko distrikta BiH za 2025. godinu i Odlukom o izmjeni Budžeta Brčko distrikta BiH za 2025. godinu, broj: 01-02-1527/25 od 23. 7. 2025. godine u Odjeljenju za privredni razvoj, sport i kulturu, na organizacionom kodu 17010001 – Pododjeljenje za privredni razvoj, ekonomski kod 614100 – Tekući transferi drugim i istim nivoima vlasti, analitička stavka 614141 – Tekući transferi za javne fondove „Transfer Zavodu za zapošljavanje Brčko distrikta BiH za realizaciju Programa subvencija privrednicima koji su u prethodnim godinama podržani programom samozapošljavanja u privredi na području Brčko distrikta BiH”.

Ukupan iznos sredstava za realizaciju Programa iznosi 250.000,00 KM.

Iznos sredstava po jednoj prijavi i krajnjem korisniku ne može prelaziti iznos od 10.000,00 KM (slovima: desethiljada konvertibilnih maraka).

Broj podržanih krajnjih korisnika, koji će biti obuhvaćeni ovim programom, biće usklađen sa raspoloživim sredstvima.

6. OBRADA PRIJAVA

1. Komisiju za ocjenjivanje pristiglih prijava (u daljem tekstu: Komisija za ocjenjivanje) čine dva predstavnika Odjeljenja i jedan predstavnik Zavoda koje imenuje gradonačelnik Brčko distrikta BiH na prijedlog šefa Odjeljenja.
2. Komisija za ocjenjivanje će donijeti poslovnik o radu.
3. Na osnovu kriterijuma propisanih ovim programom Komisija za ocjenjivanje je dužna kreirati obrazac za vrednovanje pristiglih prijava.
4. Komisija za ocjenjivanje je dužna u roku od 15 dana od dana prijema zahtjeva pregledati prispjele zahtjeve, provjeriti kompletnost zahtjeva i ispunjenost kriterijuma.
5. Nakon pregleda dokumentacije Komisija za ocjenjivanje će sačiniti zapisnik o kompletnosti dokumentacije i ispunjavanju kriterijuma krajnjih korisnika te sačiniti preliminarnu rang-listu krajnjih korisnika sa utvrđenim iznosom sredstava kojim će biti



podržani prema broju ostvarenih bodova. Preliminarna rang-lista krajnjih korisnika se objavljuje na oglasnoj tabli i web-stranici Zavoda.

6. Na predloženu listu, krajnji korisnici mogu uložiti prigovor u roku od pet dana od dana objavljivanja na internet-stranici Zavoda. Prigovor se podnosi Upravnom odboru Zavoda putem protokola Zavoda.

7. Nakon isteka roka za prigovore, odnosno donošenja odluke po prigovorima, Komisija za ocjenjivanje utvrđuje konačnu listu rangiranih krajnjih korisnika.

8. Nakon donošenja konačne liste rangiranih krajnjih korisnika Zavod s njima zaključuje ugovore o dodjeli novčanih sredstava.

7. POTREBNA DOKUMENTACIJA ZA PRIJAVU NA JAVNI POZIV

Aplikanti moraju da dostave slijedeću dokumentaciju kao dokaz o ispunjavanju uslova Programa:

- a) Obrazac Zahtjeva za prijavu na Program;
- b) Obrazac Prijave na Program;
- c) Rješenje o upisu u sudski registar;
- d) Izvod iz sudskog registra ne stariji od mjesec dana od dana objavljivanja Javnog poziva ;
- e) Dokaz da su izmireni direktni i indirektni porezi, ne stariji od tri mjeseca od dana objavljivanja Javnog poziva,
- f) Dokaz da pravno lice i preduzetnik nema dospjelih a neizmirenih obaveza za doprinose za zdravstveno i penzijsko osiguranje zaposlenih i doprinosa za nezaposlene, ne stariji od tri mjeseca od dana objavljivanja Javnog poziva.

8. OBAVEZE KORISNIKA SREDSTAVA

1. Krajnji korisnici su dužni da 12 mjeseci poslije potpisivanja ugovora, aktivno obavljaju djelatnost za koju su registrovani.
2. Krajnji korisnici su dužni da redovno izmiruju obaveze po osnovu poreza i doprinosa.
3. Ukoliko krajnji korisnik ne uvaži ugovorne obaveze, neće moći učestvovati u programima zapošljavanja koja se finansiraju iz Budžeta Brčko distrikta BiH u narednih pet godina od dana potpisivanja ugovora.
4. Ukoliko krajnji korisnik ne uvaži ugovorne obaveze u obavezi je vratiti cjelokupan iznos dobijenih sredstva.
5. Krajnji korisnici koji budu podržani ovim programom ne mogu učestvovati u programima koje Vlada raspiše po istom osnovu u naredne tri godine.
6. Krajnji korisnici sredstava su dužni dobijena sredstva trošiti zakonito, svrsishodno, ekonomično i u skladu s namjenom za koju se sredstva dodjeljuju.
7. Zavod će vršiti kontrolu utroška sredstava dodijeljenih krajnjim korisnicima uvidom u materijalno-finansijsku dokumentaciju korisnika (ugovor o kupoprodaji – original ili ovjerena kopija, faktura – original ili ovjerena kopija i zahtjev za plaćanje i drugo).



9. ROK ZA PODNOŠENJE ZAHTEJEVA

Javni poziv traje od 19.12.2025. godine i završava se 30.12.2025. godine,

a biće objavljen na web stranici Zavoda i Odjeljenja.

- (1) Tekst Javnog poziva i Prijavu zainteresovana lica mogu preuzeti sa web stranice Zavoda www.zzzbrcko.org ili u Zavodu, kao i sa stranice Odjeljenja.
- (2) Zahtjev i Prijavu sa Izjavama i potrebnom dokumentacijom dostaviti putem protokola Zavoda za zapošljavanje Brčko distrikta BiH, kancelarija broj 9., zaključno sa 30.12.2025. godine do 15:30 časova.
- (3) Dodatne informacije mogu se dobiti direktno u Zavodu ili u Odjeljenju.
- (4) Nepotpune i neblagovremeno dostavljene prijave smatraće se nevažećima.
- (5) O rezultatima Javnog poziva aplikanti će biti obaviješteni putem oglasne table i web stranice Zavoda i Odjeljenja.



Predsjednik Upravnog odbora

/Ilija Goričkić, dipl. oec. /